

Union di festival pa himno y bandera cu participacion di 91 cancion nobo

ORANJESTAD – Festival di un canto pa nos himno y bandera ta uni hunto cu festival di un canto pa nos himno y bandera infantil y hubenil. Segun Srta. Ray-Anne Hernandez, representante di Comision Promove Cultura y presidente di Centro di Bario Tanki Leendert a splica cu e aña aki ambos festival a uni.

Plaza Turismo

E aña aki ambos festival lo ta riba 14, 15 y 16 di maart riba Plaza Turismo (Linear Park). Un total di 91 cancion nobo

nobo lo participa. Den e pre final riba diabierna 14 di maart lo tin 14 banda y riba diasabra 15 di maart lo tin un total di 15 banda ta participa pa wak kende lo yega den finalista riba diadomingo 16 di maart 2014. Hernandez ta expresa su alegria di mira cu e cantidad di participacion ta creciendo. Hasta cu tin 3 participante di entre 4 pa 6 aña di edad y varios otro entre categoria di 7 pa 9 aña, di 10 pa 12 aña, y di 13 pa 17 aña di edad, tur esaki nan entre e adul-tonan. Ambos

pre final lo cuminsa pa 7'or di anochi, pero riba e anochi final riba diadomingo 16 di maart e festival lo cuminsa di 6'or di atardi pa 8' y mei di anochi, infantil y hubenil. E adul-tonan lo ta di 8'or y mei di anochi pa 12'or di mei anochi.

Cas di Cultura

Sr. Harry Croes a expresa tambe cu e union aki ta uno cu den pasado tabata asina y e aña aki atrobe. Un total di 300 cancion grandi a ser produci como nos dushi ritmo-nan tipico. Riba diadomingo final di e festival lo reuni di 5'or di atardi dilanti di Cas di Cultura cu Drumband y cana bini Plaza Turismo (Linear Park). Tambe Harry a splica cu lo tin dos cuerpo di hurando riba e anochi di pre final un set pa e infantil y hubenil y e otro set pa e adul-tonan.

Reconoce

Durante e Festival di Un Canto pa nos Himno y Bandera lo bay reconoce un total di 8 pa 9 hende manera Sra. Lilian Richardson, Danny Koolman, Jerino Ridderstap, Hildward Croes, Gloria Croes di Grupo la Bomba, Ronny Kock, Fan Fan Flemming, Franklin Granadillo y Eric Chong.

En total lo tin 10.000 florin na premio cash. Departamento di Cultura Aruba ta aplaudi



ambos organisacion cu a sa di mantene nos musica tipico entre nos muchanan, hoben y nos hende grandi den forma di festival. Na unda pa 19 aña e festival di hende grandi y pa 10 aña esun di infantil y hubenil dunando oportunidad na creacion di composicion y cancionnan nobo

nobo cu pueblo por disfruta di nan. Promoviendo e celebracion y amor pa nos dia di Himno y Bandera. Danki na Minister di Turismo, Transporte, Sector Primario y Cultura, CCDN, Directorado di Cultura y e patrocinadonan cu a duna nan e sosten e aña aki. □